

2021. URTEAN PROIEKTU ARTISTIKOAK EKOITZI ETA MONTEHERMOSO KULTURUNEAN AURKEZTEKO DEIALDIA

OINARRIAK

Gasteizko Udaleko Hezkuntza eta Kultura Sailak hainbat jarduera-ildo garatzen ditu sorkuntza artistiko garaikidea sustatu, bultzatu eta ezagutzera emateko asmoz.

Testuinguru horretan egiten du Montehermoso kulturuneak deialdi hau, sorkuntza artistikoaren garapena eta zabalkundea bultzatzeko asmoz.

Banaka nahiz taldean beren lanak aurkezteko aukera eman nahi zaie nagusiki artista lokalei, arte eta kultura garaikidea sustatu eta herritarrengana hurbiltzen duten ekintzen bitartez.

OINARRIAK

Lehena: Deialdiaren xedea

2022ko urtarriletik irailera bitartean Montehermoso kulturunean aurkeztuko diren sorkuntza artistikoaren alorreko gehienez hiru proiektu eta ikus-entzunezko proiektu bat hautatzea du xede Hezkuntza eta Kultura Sailaren deialdi honek.

Hautatzen diren proiektuak kontratatu egingo ditu Gasteizko Udalak, Montehermoso kulturunearen 2021 eta 2022ko aurrekontuko 231205.3332.22622 partidaren kontura.

Bigarrena: Eskatzaileen betebeharrak

Jarduteko erabateko gaitasuna duten eta sektore publikoarekin kontratatzeko debekurik ez duten artistek, organizazioek nahiz elkarteek aurkeztu ahal izango dituzte proiektuak.

Proiektu artistikoek argitaratu gabeak izan beharko dute, eta adierazitako epeetan aurkeztu beharko dira.

Hirugarrena: Laguntza emateko prozedura

Garatuko den proiektua hautatzeko, alderatu egingo dira aurkeztutako proposamenak, balioespen-irizpide hauek aintzat hartuta:

IRIZPIDEAK	PUNTUAK
Proiektuaren interesa eta kalitatea	10
Proiektuaren koherentzia eta bideragarritasuna, aurkeztutako dosierraren eta dokumentazio osagarriaren argitara: helburuak, gauzatzeko denbora eta baliabideak	5
Proiektua aurkezten duen egilearen edo taldearen prestakuntza eta ibilbide profesionala	5
PUNTUAK, GUZTIRA	20

Laguntzetako bat, gutxienez, Gasteizko udalerrian jaio edo bizi den norbaitentzat izango da. Hiru ataletan emandako puntuak batu ondoren puntuazio-berdinketarik egokituz gero, Gasteizko udalerrian jaiotakoek edota bertan bizi direnek izango dute lehentasuna.

Hautaketa-batzordeak eskatzaileak elkarrizketatu ahal izango ditu, edo haiei buruzko informazio osagarria eskatu, aurkeztutako proposamenak hobeto ebaluatzeko.

Proiektuetako batek ere ez badu puntuen % 50 lortzen, deialdia esleitu gabe utzi ahal izango du hautaketa-batzordeak —zati bat edo osorik—.

Laugarrena: Proiektuak hautatzeko batzordea

Hauek osatuko dute hautaketa-batzordea:

Lehendakaria: Hezkuntza eta Kultura Saileko zinegotzia edo hark ordezkotzen duena.

Kideak: deialdiak hartzen dituen alorretako bi aditu, kulturuneak hautatuak.

Idazkaria: Montehermoso kulturuneko lantaldeko kide bat, ahotsa bai baina botorik gabe.

Ezingo da batzorde horrek hartutako erabakiaren kontra jo. Eskatzaile guztiei jakinaraziko zaizkie ebazpenak, idatziz.

Bosgarrena: Zenbatekoa eta ordainketa

Proiektu bakoitzeko gehieneko diru-kopurua 6.000 eurokoa izango da. Zuzkidura horren barruan sartuko dira ordainsariak, baita proiektua ekoitzi, garraiatu eta Montehermoso kulturunean erakusgai jarri eta zabalkundea ematek sortzen diren gastuak ere.

Montehermoso kulturuneko azpiegiturak, tresneria teknikoa, aholkularitza eta giza baliabideak gehituko zaizkie partida horiei. Kulturuneari atxikita ez dauden giza-baliabideak eta tresneria teknikoa ekonomikoki balioetsiko dira, eta diru-hornidura gisa kontabilizatuko laguntzaren barruan.

Kontratazio-dosier bana tramitatuko da pertsona edo entitate hautatu bakoitzeko, indarrean dagoen legedian xedatutakoaren ildotik.

Adierazitako diru-kopuruak barne hartuko ditu zergak, behar izanez gero egingo den PFEZaren atxikipena gorabehera. Honela ordainduko da diru-kopuru hori:

- % 90, kontratua sinatzean,
- gainerako % 10a, 2022an.

Gehieneko aurrekontua 24.000,00 eurokoa izango da. 21.600,00 euro 2021eko ekitaldiko 231205.3332.22622 partidaren kontura izango dira, eta gainerakoa —2.400,00 euro— 2022ko ekitaldiko partida beraren kontura.

Batean nahiz bestean, faktura aurkeztu beharko da. Pertsona edo entitate eskatzaileak ezingo du izan inolako zorrik Udalarekin.

Ofizios eskatuko du horren gaineko ziurtagiria Kultura Zerbitzuak. Zorrik izanez gero, hala jakinaraziko zaio pertsona edo entitate eskatzaileari, eta ez da faktura ordainduko harik eta egoera konpondu arte.

Seigarrena: Aurkeztu beharreko agiriak

Agiri hauek aurkeztu beharko dira:

- Eskabidea, behar bezala beteta.
- Erantzukizunpeko adierazpena, eskatzaileak zerga-betebeharrak eta Gizarte Segurantzari ordaindu beharrekoak ordaindu dituela eta sektore publikoarekin kontratatzeke debekuaren mende ez dagoela.
- Proiektuaren titular den pertsona edo entitatearen nortasun-agiriaren edo baliokidearen fotokopia.
- Proiektuaren titular den pertsona edo entitatearen ibilbidea edo curriculuma.
- Beste batzuekin batera aurkeztuz gero, entitatearen nahiz haren ordezkariaren ibilbide edo curriculumaz eta datuez gain, harekin batera parte hartzen duten agenteen gaineko informazio osoa ere aurkeztu beharko da.
- Proiektuaren dosierra, hauek biltzen dituen:

- Proiektuaren izenburua eta garapena.
- Behar teknikoak.
- Gauzatzeko egutegia.
- Gutxi gorabeherako aurrekontu xehatua, finantzaketa propioa izan lezaketen kontzeptuak zehazten direlarik.

Eskabideari ez bazaizkio eranstean atal honetan adierazitako agiriak, hamar eguneko epea emango zaio eskatzaileari egoera hori konpon dezan. Hala egin ezean, bertan behera utzitzat joko da eskabidea.

Zazpigarrena: Eskabideak aurkezteko epea

2021eko apirilaren 6ra artekoa izango da proiektuak aurkezteko epea. Gasteizko Udalaren webgunean eskuragarri dagoen eredia baliatuz aurkeztu beharko da eskabidea.

Eskabideak aurkezteko moduak:

- Aurrez aurre, herritarrei laguntzeko bulegoetan.
- Online, erregistro elektronikoaren bidez.
- Legean nahiz indarrean dauden xedapenetan ezarritako beste edozein bitarteko baliatuz.

Zortzigarrena: Deialdia ebaztea.

Hautaketa-batzordeak deialdi honetako 3. puntuan zehaztu diren irizpideak aintzat harturik aztertu eta ebaluatuko ditu aurkezten diren eskabideak eta agiriak, eta hilabete inguruko epean kaleratuko ditu emaitzak.

Idatziz jakinaraziko da ebazpena.

Bederatzigarrena: Jarraipen-batzordea

Jarraipen-batzorde bat eratuko da, eta hura arduratuko da proiektua behar bezala garatzen den ebaluatzeaz.

Batzorde horrek behar adina bilera eskatu ahal izango ditu, kontratuan jasotzen diren zehaztapen eta betebeharrak behar bezala betetzen direla bermatzeko.

Halaber, batzorde horri dagokio kontratua gauzatzeko orduan planteatzen diren egokitzapenak eta aldaketa-proposamenak baimentzea, eta proiektuaren kanpo-komunikazioa gainbegiratzea.

Baldin eta uste bada lana ez dela deialdian aurreikusitako moduan eta epeetan gauzatzen ari, laguntza kendu ahal izango da, batzordeak txostena egin ondoren.

Hamargarrena: Onuradunaren betebeharrak

Deialdi honetan hautatzen den proiektuaren titular den pertsona edo entitateak konpromiso hauek hartu beharko ditu:

- a_ Hautaketa-batzordearen erabakia onartzekoa.
- b_ Proiektua deialdian zehazten den epean eta aurreikusten diren baldintzetan gauzatzekoa.
- c_ Gehienez hamar eguneko epean, onartzen duela idatziz berrestekoa. Hala berretsi ondoren, Montehermoso kulturunea harremanetan jarriko da hautatuetako bakoitzarekin, kontratua sinatu eta hori gauzatzeko berariazko klausulak finkatze aldera.
- d_ Aurkeztutako proiektuan aldaketarik bada, horren berri idatziz ematekoa.
- e_ Aurkeztutako proiektuaren jabetza intelektualaren eskubideen titularra izatekoa.
- f_ Utzitako leku eta azpiegiturak erabiltzeari dagokionez Montehermoso kulturuneko arduradunek ematen dizkioten arauak betetzekoa.
- g_ Proiektua aurreikusitako epean eta baldintzetan gauzatzekoa —bestela, uko egin beharko dio laguntzari, eta, diru-kopururen bat jaso badu, itzuli—.
- h_ Obra, ez osorik ez zatika, jendaurrean ez erakustekoa, harik eta Montehermoso kulturuneak emandako jarraibideei jarraiki erakusten den arte.
- i_ Proiektuaren komunikazio egokirako beharrezko egokitzen diren informazioa eta dokumentazioa ematekoa, eta, behar izanez gero, proiektuan ekoizten diren irudiak jendaurrean erreproduzitu eta erakusteko eskubidea Gasteizko Udalarari lagatzekoa.
- j_ Proiektuaren publizitatean —Montehermoso kulturunean nahiz beste inon egiten delarik ere— Gasteizko Udalaren eta Montehermoso kulturunearen logotipoak jartzekoa.
- k_ Programa bukatu ondoren, bi hilabeteko epean, egindako lanaren oroitidazkia aurkeztekoa —edukiak kontratuan zehaztuko dira—.

Hamaikagarrena: Dokumentazioa itzultzea

Hautatu gabeko proiektuak itzuli egingo dira proiektuaren titularrak hala eskatuz gero, erabakiaren berri jakinarazi ondorengo 30 egun naturaletan. Denbora hori igarotzen delarik, gainerako proiektuak txikitu egingo dira.

Hamabigarrena: Oinarriak interpretatu eta onartzea

Oinarri hauek interpretatzean zalantzarik sortuz gero, Gasteizko Udaleko Hezkuntza eta Kultura Sailak ebatziko ditu.

Deialdi honetan parte hartzeak oinarriak oso-osorik onartzen direla esan nahiko du. Oinarri hauetakoren bat edo laguntzak emateko baldintzetakoren bat ez betetzea nahikoa arrazoi izango da horiek bertan behera geratzeko, galda litezkeen bestelako erantzukizunak gorabehera.

Argibideak:

Montehermoso kulturunea.
Frai Zacarias Martinez kalea, 2
01001 Vitoria-Gasteiz
+34 945 161 830
administracion@montehermoso.net
www.montehermoso.net